

花  
間  
集



花間集序

唐歐陽炯撰

鏤玉雕瓊擬化工而迫巧裁花剪  
葉奪春艷以爭鮮是以唱雲謠則  
金母詞清挹霞醴則穆王心醉名

高白雪聲、自合鳥歌響過青雲  
字、偏諧鳳律楊柳大堤之句樂  
府相傳芙蓉曲渚之篇豪家自製  
莫不爭門高下三千玳瑁之簪競  
富罇前數十珊瑚之樹則有錦筵

公子繡幌佳人遞葉々之花箋文  
抽麗錦舉纖々之玉指拍按香檀  
不無清絕之辭用助嬌嬈之態自  
南朝之宮體扇北里之倡風何止  
言之不文所謂秀而不實有唐已

降率土之濱家々香逕春風寧尋  
越艷處々紅樓夜月自鎖嫦娥在  
明皇朝則有李太白應制清平樂  
詞四首近代温飛卿復有金筌集  
邇來作者無媿前人今衛尉少卿



字弘基以拾翠洲邊自得羽毛之  
異織綃泉石獨殊機杼之功廣會  
衆賓時延佳論因集近來詩客曲  
子詞五百首分為十二卷以烟粗  
預知音辱請命題仍為序引昔郢

人有歌陽春者號為絕唱乃命之  
為花間集庶以陽春之甲將使西  
園英哲用資羽翼之歡南國嬋娟  
休唱蓮舟之引

萬曆壬寅孟夏玄覽齋重梓

花間集叙目

温助教廷筠

六十六首

皇甫先輩松

十一首

常相莊

四十七首

薛侍郎昭蘊

十九首

牛給事嶠

三十二首



張舍人

泌

二十七首

毛司徒文錫

三十一首

牛學士希濟

十一首

歐陽舍人

炯

十七首

和學士

凝

二十首

顧太尉

夔

五十五首

孫少監光憲 六十首

魏太尉承班 十五首

鹿太尉虔扈 六首

閻處士選 八首

尹參卿鶚 六首

毛秘書熙震 二十九首

李季才洵

三十七首

花間集叙目

花間集卷一

唐衛尉少卿趙崇祚集

温廷筠四十四首

菩薩蠻

小山重叠金明滅  
鬢雲欲度香頰懶  
起畫蛾眉  
弄粧梳洗遲  
照花前後鏡

花面欠相映新帖繡羅襦  
準準金鸕鷀

其二

水精簾裡頗梨枕暖香惹  
夢鴛鴦錦江上柳如烟  
雁飛殘月天藕絲秋色淺  
人勝叅差剪準髮隔香紅  
玉釵頭上風

其三

藥黃無限當山額宿粧隱暖紗窗隔相  
見牡丹時暫來還別離翠釵金作股  
釵上蝶雙舞心事竟誰知月明花滿枝

其四

翠翹金鏤雙鴻鵠水紋細起春池碧池  
上海棠梨雨晴紅滿枝繡衫遮笑靨



烟草粘飛蝶青瑣對芳菲玉闌音信稀

其五

杏花含露團香雪綠楊陌上多離別燈  
在月隴明覺來聞曉鶯玉鈎褰翠幕  
粧淺舊眉薄春夢正闌情鏡中蟬髮輕

其六

玉樓明月長相憶，柳絲裊娜春無力。  
門外草萋萋，送君聞馬嘶。  
畫羅金翡翠，香燭消成淚。  
花落子規啼，綠窓殘夢迷。

其七

鳳皇相對盤金縷，牡丹一夜經微雨。  
明鏡照新粧，鬢輕雙臉長。  
畫樓相望久。

欄外垂絲柳音信不歸來社前隻燕迴

其八

牡丹花謝鶯聲歇綠楊滿院中庭月相  
憶夢難成背窓燈半明翠鈿金壓臉  
寂寞香闥掩人遠淚闌干燕飛春又殘

其九